

~~6107 3~~

~~39~~

21

T5476.3/83B

~~5531,320~~



御製詩二集卷之三十一

古今體九十首

壬申一

壬申元旦

曙色昕昕杓轉寅青陽景運啓元辰祥  
木豐為瑞善作心田福自申玉帛萬方咸奉  
朔暢乾一意永勤民守成休息吾初志却愧  
仁風扇未溥

新正試筆

首祚韶年此日開敷天吉事與偕來綵屏誌



待集言二集 卷三十一  
喜翔銀燕綺室知春綻玉梅協氣中和欽五  
位從星風雨驗三台貞元消息如環轉省歲  
勤民又始哉

元旦宴諸王六韻

天下人增歲寰中物報春  
簋樽酬上日禮樂本彞倫  
大典踈情誼內朝展燕親  
青陽欣序啟第祿迓天申  
映座柀花麗盈庭鷺羽振  
和平歌斂福敷錫萬方民

正月二日小宴廷臣

白獸規如上日陳九經曰敬繼親親誼聯堂  
陛承

天貺化遜唐虞願俗淳寶鵲占年祥望富鴻  
龍運斗氣和閭言言莫丞相稱頌同是吁咨  
籌治人

題文徵明小像

沈德潛持明人畫徵明小像乞題句徵明故正

士也怡然允之

飄然巾墊識吳儂文物名邦風雅宗乞我四  
言作章表較他前輩慶遭逢  
德潛更為徵明祠乞額因以德

藝清標四字賜之德潛額手稱慶且自謂生若非遭際之隆將同微明沈滯終身云

平德藝人中玉老去操持雪裏松故里遺祠  
瞻企近勛哉多士善希踪

張宗蒼蘭亭圖

永和脩禊會山陰畫本詩情足古今峯嶺當  
春多暖翠林泉入勝有清音墨池誰繼跳龍  
法文席如聞倚樹吟結構分明舊相識昨來  
飛蓋記曾臨

瑞樹歌

長白之山天所作隆崇崇衍隣嵎峽眾水之  
源會其極中產萬物兩儀神秀鍾於茲萬木  
傑池鬱爭長問年皆在循蜚疏仡時以上厥  
有瑞樹為之伯如星拱北羣所瞻仰栖靈祇  
命圖以來真神奇畢歆河本鴨綠支船不能  
進易威呼溯流而上乃至西埒墨勒溪威呼  
又不能進捨舟陸行一由旬斯見瑞樹臨厓  
屢近樹無凡草金光蔚敷披聳身三丈五尺  
餘叶七分去二其合圍上分十有二大枝莖

葉輪囷各異姿其種有八若列眉松檜白楊  
遮勒穆期紫樺白樺密克特木及白榆叶自  
頂至根合十餘丈崢參差靈芝九本三秀滋  
是皆紀實非虛詞乃信神壤天所秘未許塵  
世尋常窺大椿徒傳八千歲較此奚啻父視  
兒特一瑞樹真足陵駕前古史所垂宜乎長  
白之山開我國家萬年有道無疆基

重華宮侍

皇太后宴

初春景物嗚和韶繡袞承

歡載頌椒寶籙重欣開綺甲瑤觴首介獻芳  
朝沈香火底銀簧暖濃麝風前玉蘂嬌額共  
寰中尊愛意千秋萬歲奉

東朝

古榦梅歌

槁木中有生意存恰似一陽來地底初番花  
信小寒前早綻梢頭兩三蘂獻春開歲報韶  
光玉笑珠輝乃纍纍江南諸物都不愛僧寺

瓦盆驚見此鉛華洗盡識真梅  
 鄧尉萬樹皆孫子鳳舸延賓攜  
 以來添作佳談復爾爾温室  
 開花早去年節簷暖日明窓  
 紙南暄北冷固常經遲速隨  
 時惟定理於何燦發先去聲  
 江鄉消息誠難問花史或云  
 去年花有待南國今仍爛漫  
 矣當亦偶然何足竒聊為濡  
 毫貌形似

賜顧棟高

老不中書尚著書

棟高雍正年間曾為中書

皤然鶴髮被

簪裾澹辭待詔來金馬榮為通經到玉除  
 詎曰宸嚴常穆若欲諮民隱便傷如題屏  
 合做王家例一語還淳足起予

文章風雅數東吳誰似沈潛味道腴為慕  
 談經虛左席用宏錫類慰慈烏從教馬鬣  
 榮光賁要使蓬門義路趨不是沈香呼學  
 士貂璫扶掖重醇儒

古陶缶歌

鳥卵其形口在腹腹橢口弁德能畜製貽太

古匪今俗坎離既濟質惟朴用缶鼓缶義經  
卜渾侖善好無薜暴叶土蝕萬年黜以穆壽  
逾金石貴珠玉簠簋敦彝下風伏徒紀癸丁  
及仲叔陶於河濱此其躅承漿酌酒來百福  
董邦達秋山紅樹

雲表蒼峯迴不羣風翻紅葉落疑紛畫禪慣  
解開生面古淡中餘錦繡文

張宗蒼雪谿飛瀑

珠貝林柯蒼葛園琉璃殿閣玉為垣飛流不

共寒江凍為識雲中別有源

雪正月  
六日

瑞葉舞風翔新年第一祥宵衣欣我慰寶穡  
卜其康踈密彌夏宇高低積素光試燈增玉  
麗祈歲協金穰時祈辛  
齋居恰映宜春帖應成志  
喜章豫齊均待澤翹望徧江鄉

祈穀齋居

大祀重初辛清齋潔意身幸看田積玉恰應  
日臨人咨政常多愧求賢若可親敬勤隨歲

永夏樂後先頻

人日

相沿稱七日首祚應斯民恰擬陽初復欣覘  
物共春韶英從舊徹正月七日值國忌例屏  
綵展新陳靜驗冲融志惟懷人者仁

命鄒一桂為設色古榦梅輒疊前韻

繪事設色久不為祇以節末非根底結習其  
如未盡忘時復淡墨寫生蕊盆中古榦識春  
工不作尋常百珠纍暗香疎朶五六丁叫絕

梅花賴有此常見南極老人圖鮎背睥面如  
童子我會其意不能工北門學士其咨爾粉  
本略具試設色發墨更喜宣德紙西清渲染  
不多時已為華光傳妙理富麗何須百首詩  
詭竒似閱千年史桃夭杏豔誠彼哉漢栢唐  
槐視此矣歌成大笑謂小山無乃爾為太相  
似

偶題

殘冬間去聲懶吟篇春來興發言泉佛法不虞



御製詩二集 卷三十一  
爛却詩裁想亦云然

詣齋宮作

祈穀鑿儀穀日排齋宮咫尺致虔齋試燈風  
景皇都麗返樸還淳為切懷  
銀色界中憑玉輦天膏濃處沃心田千門萬  
戶曛曩日並作祥光與瑞烟  
和韶九陌霽氤氲一雪從教物盡欣無象太  
平真在此豈關頌語飾繁文

瞻禮

皇乾殿

本朝

壇廟仍前明之舊百餘年矣因命次第重脩  
適

皇乾殿工竣

祈穀預日例本應躬詣行禮載瞻枚實用愜  
悃忱七字成詩千秋示志

郊廟規仍勝國遺百年應事鼎新之  
三朝有待非從簡此日無違敢更遲經始次

當

祈穀後落成恰值預齋時式瞻輪奐申初敬  
志切康年鑒在茲

祈穀禮成述事

首歲欽

元祀惟

天降百祥始升顛夜氣告備霽晨光志愜羣  
寮慶心殷萬寶穰春祈十七度久敬敢云遑

重華宮小宴大學士及內廷翰林諸臣

重華文宴集羣仙瑞映瓊樓霽景鮮民瘼心

闕既均此

天恩額慶合同然閒拈吟管聊酬節筴指春

梓又隔年

去年南巡未舉是宴

賀監金門重應制致予

逸興益飛遄

沈德潛尚未南歸亦命預坐

奠開十葉應昌辰和會衣冠燕愷申生面齊

看戲毬獸別裁奚藉捉刀人毋相容易一堂

樂尚共疇咨四海春嘉夜傳柑遲五日冰輪

如待載賡頻

雪獅聯句

御精瑩玉質狀昂藏似虎如何不正黃占吉  
辟邪誠備德

懷仁感澤自含章騰空瓊島凝天骨躄

踞寒坪閃劍鋸前耳濕時如拂子臣史

白毫淺色似針秧康居珎遠留唐賦王

會朝正比宋坊詎可擾馴因號國臣陳

略施搏掬只依墻金毛種類何緣別白

澤貞符尚可詳皓體忽看呈兀兀臣阿

御製嚴稜益覺厲洗洗一犁曾並來疏勒六出

剉欣舞載陽奚必周詩羨麟趾

合教垣宿應金芒迎年儘見千門戲職

賦無勞萬里航擬以白超真彷彿臣梁

貌來烏弋重評量靈通手底嗤塗墨素

積天邊異塚糖鈿砌粧成偕獸舞臣蔣

玉墀擁護絕鷗翔凝然豈識拋毬引塊

爾無妨擲戟搶氣噤反唇含霹靂臣劉

御製凍乾強項挂鈴鐺詎同獬豸供人弄却避

蝗蟲兆歲穰乍睽星睛飛列缺

偶掀鬚鼻鼻狼臙鋸牙一一排銀爛鈎

爪森森浴鐵強飄絮從看添軟毳臣孫嘉淦

形鹽端可傲琅霜出林有勢平跳躍伏

地無聲遠却攘華薩七毫原是夢臣汪由敦

釋迦五指若為狂照書足貯彭亨腹觸

佞常留潔白腸瓊苑高蹲疑瑞鹿臣嵇璜

御瑶階特立想神羊具威喜怒看首尾善吼

色空演幻常搏象兔均全力注

角魚龍戲廣廷張貼來紈剪西睺罽騎

出奴翻假面涼安息天高還帶露臣介福

曼殊座冷不飛香珠垂瓔珞留金殿色

借牟尼護寶床煙罩化為藏霧豹臣嵩壽

月朦認作失林麀齊檐競訝來深巷埽

徑新堆集廣場天闕分形高岌岌臣董邦達

街崇牙並列猛趨趨茸蹄却遜隃騰迂而尾

猶糺閃灼光砌塑爭聽鬼女鬧

詭竒可使豹狸僵似聞憲宰雄羣鷲欲

奮之而震遠荒鱗甲紛從玉龍舞臣沈德潛

規模學得土牛衰晶英恍惚銀泥印清

冽胚胎水玉相簇簇簾前多抱子臣錢陳羣

皚皚石畔儼成行殘雲猶與添拳鬚晴

旭初驚射怒睚道溯越山兼越海臣錢維城

御兆覘時雨又時暘猗猗豈必歸全幻融潤

還因濟太剛慎德不期西旅貢熙春樂事報

農祥

沈德潛和韻有林壑已安仍戀主潞河

歸棹敢云遄之句因疊前韻賜之

人間果見地行仙鷓鴣行中鶴羽鮮恩許追

歡謂恬若情殷惜別乃凄然此人此語仍如

昔吳水吳山正有年分付春風莫相忘好吹

帆影再來遄

再來應是歲庚辰庚辰為朕五十萬壽年曾與德潛訂約屆期來京慶

祝珍重高年命屢申早識雲卿擅當代不教

疏傳獨前人華茵聯句朋猶昨綺閣懸燈物

共春眠食倘彊思亟見宴陪撒荔莫辭頻

御製詩集卷三十一  
新春奉

皇太后駐蹕圓明園

西山積素見龍從六出重欣旋舞空景益上  
林初報喜吉占多稼敢言豐行春玉樹銀花

麗侍

輦千秋萬載同却拍鼇山成隔歲青郊燈事

記途中

去春因南巡燈  
時未至園中

曲宴外藩即席得句

朝正肆覲集賢王宴錫優駢制有常藉爾屏

藩寧北塞贊予垂拱迪

前光圓廬寫月紅雲擁廣樂熙春紫鳳翔三

爵油油稱既醉有人頗會漢文章

雪後萬壽山

雪色由來無不宜寂宜玉巘疊參差新年行

樂來初地應節占農喜及時晴靄未教融凍

浦春風已覺綻南枝歲華合是依清曠綈几

瑤篇為少遲

宴準噶爾夷使並許觀燈

典屬宣夷使觀燈錫寵榮銀花爭雪艷火樹  
入宵明常凜勤邊戒聊通職貢情羈縻西旅  
族邇亦解朝正

上元前夕

讓月魚雲朗慶霄太平燈節九瀛朝恒春樹  
擁三山近不夜花開萬朵饒疑有仙人來貝  
闕又聽樂府按雲韶冰輪遮莫分毫欠禁弛  
金吾第一宵

上元燈詞

高揭冰輪朗照空晚來又定紫瀾風今年燈  
景增妍麗都為含花雪告豐  
一綫煙光萬景舒紛垂銀蒜復金蕖烏斯藏  
使到陪宴西域燈輪說不如  
虹光百道絳霄流山外珠林水外樓即景銀  
牋試題句團圞寶月正當頭  
雪餘玉樹釀微寒燈火南城夜未闌寶馬珠  
簪明月裏踏歌聲喜遍長安  
行春去歲憶南巡郊野煙花亦可人今夕縱

饒宮蠟艷為田那忘覲光民

燈影遊絲簇畫圖合教麗句叶笙竽詩人老

去耽清澹那更繁華憶舊吳

謂沈德潛

巧匠裁羅更剪綾爭奇裝作上元燈逢歡轉

念還淳責不道當然道未應

御園燈事乍經年鶴燄鼉山倍覺妍舞作太

平天下字敢忘夕惕與朝乾

上元後日小宴羣臣並命觀燈

一葉瑤階報落莫流陰瞥眼信無停頗饒逸

興留裁魄莫遲

去聲

連吟負始青雪朗西山送

寒色花輝東壁發春馨文筵例繼上元夜好

駐清光筆有靈

直廬何必擁青綾上苑相將玩影燈適值萬

幾方少暇湯誅百穀已咸登鼉山鼎鬲須臾

駕雁塔光明不計層為問四明歸賀監踏歌

應制可重曾

題漢玉壁

藉甚結璘車飛來古月如吉雲常暎護精氣



御製詩集 卷三十一  
早含儲佩德思無斁不雕質有餘永惟君子  
貴詎止重瑤琚

詠芝

瑤光蜚景彩協氣凝祥產九英標翠柯三秀  
成金篆湯言龍馬如詎必石木辨招隱結遐  
思求仙率荒誕德至則何有老養斯方勉

題莫景行西湖草堂圖

鶩望湖山有所思遙情千里座中移玲瓏更  
見雷峯塔喜未曾經劫火時

隱君

景行外史

張雨

契知音供養煙雲寄靜心我

覺明湖絲竹鬧同然先得畫留今

山東得雪志喜

育早想北望野皇皇寒

青齊去歲歉晚收所希小稔登麥秋屢聞三  
白欠冬月惻然南顧心懷憂浙東况復災較  
重朝夕蒿目無良謀截漕已過三之一大倉  
所資命亟留邇來入春纔數日瑞雪頻見霏  
皇州一以額慶一以望不知近遠均霑不忽  
傳大吏報得雪云始齊莒逮魯鄒遺蝗入地

無復患舉趾足可興鋤耰嗟我灾黎庶少濟  
用此稍慰舒眉頭慰餘展轉愁復繼至今温  
台米價涌貴無停休

晴

雨雪既霑足春日喜載陽盎盎融朔氣霽霽  
舒曦先候占驚蟄屈東郊舉趾將宜暘適惟  
時額手三農慶而我有厚慰北望恒皇皇塞  
垣拂廬族生計惟牛羊當春草未萌所慮風  
雪涼冰甸孳畜凍徃徃為災傷内外皆我民

胥願獲安康彼此異苦樂兩得斯為良而恒  
不可得幅員廣且長冀或同一晴片時心萬  
方

觀近稿偶題

年來微覺賦詩多即景還頻選字哦業就無  
妨姑且置再緝或已忘如何鯨魚碧海非吾  
事華日卿雲慕古歌只有勤民心可驗時時  
憂樂寄書來

丁雲鵬掃象圖

行樂言集 卷三十一  
語言不著坐金神婦象真乘示應真法供是  
誰稱愜當紫檀軸首白檀身

文嘉支硯草堂圖

山水清音草木馨傳神不問識支硯蒼巖阿  
那雲深處我亦微吟得少停

青蓮朶

客歲駐輦杭城偶於宋德壽宮故址尋  
所謂藍瑛梅石碑蹟碑尚傑豎梅已槁  
仆而其側猶有推萎瓊瓏碑兀刻削者

一峯存焉撫摩良久迴鑾後地方大吏  
竟以舟便致貢念事已成留置御園既  
悔曩時未頒卻貢之旨轉思此石之來  
將毋惜江樹之頽懷碩果之歎耶名之  
曰青蓮朶而繫以詩

化石玲瓏佛鉢花雅宜旁置綠蕉芽皇山峭  
透房山壯兼美端堪傲米家  
傍峯不見舊梅英石道無情亦愴情此日荒  
涼德壽月祇餘碑版照藍瑛

梅忘石在石誰憐碑蹟長從梅石傳石過江  
來碑獨在江梅春到總依然  
烟霞飽領西湖秀風月新參七字吟一晌閒  
庭憑峭蒨吳山重為寄遐心  
刻削英英陸地蓮一拳提示色空禪飛來鷲  
嶺分明在幽賞翻因意慊然

填倉日題

焰地春鎗雪埽花六街人尚戀年華昔傳端  
識今堪例開後從看靜可嘉十字雲腴謾說

餅一盃露馥且分茶拈毫即景艱成句慙愧  
詞臣頌八义

前題又作

春雪既霑足宜晴望萬彙和風不鳴條澤潤  
遍大地此日稱填倉俗例有深意于耜舉趾  
時預籌一年計九州足倉箱萬民無一事生  
息滋以繁日給尚虞匱豈易得餘三虛置倉  
中積益凜祈年心庶可徐言治

初春遊玉泉山即景五首

春雪初消嵐翠蒸玉泉報我景堪馮青龍橋  
畔纔清蹕興到煙霞最上層

村路紆徐塍疊鱗土膏脈起不生塵柳將開  
眼花含蕊雅似江南二月春

溪畔機房桑柘扶水田新闢治萊汙欲因幾  
暇頻來往好閱天然耕織圖

構築精廬仿惠山竹爐清伴片時閒名泉有  
德無分別豈較尋常伯仲間

去年品泉以玉  
泉為第一惠山  
戲及之

碧泓春水映船脣別院韶光已可人江硯宣  
毫供即景却輸開府擅清新

正月晦日作

春氣和而盎春郊蘇以滋階莫全落日輪桂  
揔韜時華節堂堂過條風漸漸披凍開明鏡  
影芳洩綠楊枝代序真堪念健行勉自持  
詞答韶令誰繼考功詩

題張宗蒼雪景

紅樓疊樹玉交枝石面皴銀瘦益奇習靜已

行集言二集 卷三十一  
看僧戶閉衝寒偏有客舟移飛流破凍垂深  
澗積素因風墮側陂想像行人迷竹塢幽居  
何處認茅茨

賜別沈德潛南旋之作

聞道冰開潞水隄歸舟無那挂帆後剛欣西  
苑重酬侶又向東風惜解攜杜老終懷故鄉  
樂謝公曾眷友人睽百寮儘有懸車者囊載  
宸章孰爾齊

宋瓷鼎

見說輕堅大邑瓷幾曾髻墜匠師嗤餅盆徒  
供家人饋均汝遙傳脩內司無益害功伊古  
戒大烹養聖繫吾思穆然葆采陳棊几介紹  
鳧罇與鳥彝

仲春齋居

閏餘節令早仲月氣已和春草吐新色春水  
生微波土脈既欲動舉趾將日多祀典卜上  
戊於古重祈禾宿三此預齋志一戒貳他安  
能忘九寓屢豐額則那戶口况日增穀貴理

亦宜叶逢年惟苟支失秋饑遂加叶調幕增  
已慙填壑憂民瘥

唐人江城春午圖

江城若為好春午最相宜素絹成圖日青蓮  
得句時花光漪錦浪晴色裊遊絲竭憶潤州  
北居然坐對之

恭祀

社稷壇禮成述事

舉趾東郊農務臨質明承祭奠

居歆春祈秋報從常典民穀王封合並欽方  
俎備陳肥腍物崇牙疊奏太平音潔觴三獻  
昭和鬯德養方占歲在壬

春仲經筵

閒濶經筵意未安去歲以巡狩未舉是典東風廣廈集

儒官不惟勤學因時勗要復存羊俾後觀制  
事期無適莫見知人更念惠懷難是日講尚

哲四句論語君子春卿儀注百寮式詎道從

容禮數寬

玉鵲

此鵲惟神鵲其鳴不浪鳴真看以玉抵豈是  
啄槐成善肖彊彊態空傳喑喑聲翩翻在懷  
袖占喜愜人情

仲春瀛臺即景二首

冰開太液試遊龍鏡面樓臺瑞靄重傍岸青  
含新芷刺隔林白引曉煙封都來幾日因循  
過便覺芳春次第逢緣底行時今歲樂東郊  
雪後土膏濃

柳生稊際花含蕊花柳相宜爛漫前綠渚浴  
鳧新樂趣玉梅落瓣舊韶妍輕寒不勒萌青  
草細響纔淙帶碧泉與物同遊春浩蕩奉時  
布化協天權

承光殿

朶殿中間埤堦高光春臨眺興因豪庭前檜  
匝陰千步隄外船添水一篙機暢鳶飛與魚  
躍景明玉竦復金鰲低雲又隱西山色好及  
耕時潤土膏



題錢維城蒼崖烟磴

叠磴平懸若可登  
連林霞蔚復雲興  
箇中似礙窮遥目  
擬據千峯竅上層

命加賑浙省去歲被灾州縣詩以示意

兩浙去歲灾東較西為甚嗟嗟我黎民啼饑

缺餐飪石粉聊充餓因以致病瘦金衢山中

粉饑民有碾以充食而致病者疾苦欲盡知終夜不安枕救

灾無竒方屢留太倉稟晚秋縱稍獲舖啜僅

餘潘青黃不接時艱食行哀諗申命地方吏

吾意其悉審食爾無安肉衣爾無安錦為民

之父母曰惟爾及朕子餓父則飽於心其奚

忍叶賑濟期雖溢更發我倉廩博施慎無遺

庶蘇彼惛慄梗概示端倪施行尚懃恁人力

惟小補仰望早稻稔

春雪

北方多春雪宜暄不宜冷著地為新澤灑空

帶輕影東郊麥紐芽遥看青被町過虞凍孚

甲吾心為耿耿晨興對時晴王羲之快雪時晴帖墨蹟每於

御製詩集卷三十一  
雪窓展評書酌清茗  
玩故云

晴

雪化疑春雨風和湊午晴如酥千畝潤似毯  
二年萌允協時平秩還欣物向榮明朝西直  
外憑輦閱新耕

詣暢春園

皇太后宮問安

經筵祭

社勅春宮數日仙園闌問

安敬悉

起居增慰藉對時撫景摠生歡

御苑韶光已不遲山隈欲綻小桃枝更將麥

隴青蔥象奏博

慈寧一笑怡

昆明湖泛舟之作

春舟泛春水如友邂逅新左右無不宜行止  
咸欣欣綠蒲未隱岸白芷纔刺滑鏡影涵疏  
峯濯濯亦可人旅雁自南來沙渚相依親明

朝還北去迴望瀟湘雲

山桃花

江北桃先杏江南杏先桃月令及花史定論  
終訛淆邇日多東風火迫洞口條絕勝纔依  
依何必競天天兩年御苑春徃徃途中拋前

巡保陽去臨芳思倍佳斐然命宣毫

賜題夜紡授經圖

索觀錢陳羣香樹集有題其母夜紡授  
經圖慈孝之意惻然動人且以見陳羣

問學所自來也輒成二絕句題之

篝燈課讀澹安貧義紡經鋤忘苦辛家學白

陽諳繪事成圖底事待他人

陳羣母陳氏善畫

五鼎免誠慰母貧吟詩不覺鼻含辛嘉禾欲  
續賢媛傳不愧當年畫荻人

偶閱左傳宋楚泓之戰事因題

阻隘鼓僂雖失正狗名昧義詎非癡經書明  
鑒傳千古識務通權用者誰

雜詠

天下非常事可一不可再做之善已差不善  
翻致敗如彼西施顰效益增醜態真宗封劉  
氏所累君德大李沆焚手詔不計已利害臣  
沆為不可老臣實忠愛意直詞則婉君子其  
言藹神宗勅吏部久任示規誠因納御史言  
撫鎮數進退責成戒紛易政要庸何礙而胡  
王家屏封還博佳話黨同庇其私謬謂國體  
賴柔懦權下移國體益大壞明不旋踵亡其  
忠乃安在

題漢玉印章

紐篆見炎劉圭璋德並儔龍文席筍煥虹彩  
屋梁浮不見雕鏤迹欣供什襲哀遐思元凱  
後又遇十人周向歲秦漢印十六枚為一匣  
曾題詩有如逢八元凱可不  
共疇咨之句茲閱數歲又集此  
十枚為一匣歲之故末句及之

御製詩二集卷之三十二


古今體九十七首

壬申二

花朝

九十春過半花開未一分春光信不少假藉  
花事胡乃偏逡巡含胎紅杏潤曉露綻蕊緋  
桃烘暖雲去年此日江之濱廣陵節物撩眼  
新絲絃急管頗覺鬧雪梅水仙別有神朝來  
更不宣樂部清賞轉憶邦江民

水周堂



律書言集卷三十一  
湖上搆洞軒四面滄浪意憑欄  
塞白芷沙棠不須試卧波虹飲  
練倒影山澄翠怡性翰墨芳樂  
志智仁備水周擬虛舟淺言具  
深義常凜荀卿論匪慕莊生致

雨

江南春盼晴冀北春艱雨損彼  
益此間兩地均得所族雲邇日  
濃脈起東郊土勾萌含潤澤韶  
景滋和煦朝來霏細絲樂趣同  
農父濯枝聲不喧津莖葉初吐  
園林致益佳大似吳

江浦或云翠華旋風氣隨來叙  
其然豈其然予惟勤相輔

張宗蒼絕壁精藍圖

棧路盤紆倚詭峯紅樓四面翠  
重重山僧謝絕人來往為好安  
禪制毒龍

兩浙歎

兩浙去歲夏灾重隰田龜坼艱  
耘種穀貴民饑俗不恬底怪閭  
閻多盜關救荒籌策詔頻頒發  
廩通商留漕貢復念任卹亦小  
補好施

授爵勸素封昨聞冬月過陰寒冰阻長河盈  
尺凍凍開旋又愁水缺粟船淺澀難浮送邇  
來春雨云漲增更苦連縣致霰凍亟待晴和  
資發生南望宵衣增惻恫吾民何辜屢遇阨  
縱施人力難為用民情豈能免怨咨益慮傷  
和深內訟調幕無能繫誰責自知奚待風人  
諷

清明

輕雲暖日仲春天杏酪風箏節物駢桃欲亞

枝齊帶露柳猶藏葉半拖煙長隄罨畫青連  
墅新水漣漪綠映船寂似江鄉寒食景略迴  
清憶動經年

題居節畫楊繼盛小像

有生孰不惜華年生死還應義以權遐想臯  
夔千載上豈辭龍比一身捐鬚眉正色真無  
忝史策芳名歷久傳西市從容吟四句丹心  
浩氣至今懸

詠玉韞

繕人規制玉人為彊沓闔枰是所資不稱每  
羞童子佩如磨常憶武公詩底須象骨徒傳  
古恰似瓊瑤匪報茲于度機張慎省括温其  
德美信堪師

董邦達山水

峭壁倚天拔水崢嶸氣概大竒胸中設無萬  
卷生面安能爾為

仲春展謁

東陵啟蹕之作

寒食由來拜掃傳

橋山東望拂征鞭便從省歲耕耘始不為行  
春景物妍

聖祖恩勤思永世孫臣展謁隔經年鳳城趁  
曉纔清蹕心在

丹陵白水邊

慈雲寺

宛轉楊柳陌荒涼琉璃界棟梁靡孑遺牆壁  
餘半在云昔香積厨祝融偶不戒赤幟勝勢



張水雲下風拜焦爛無其人一舉致大敗放  
叅僧盡散餘者三五輩借問四天下有象孰  
無壞譬諸鳥棲林林空鳥相背曲突善後計  
彼方謂蒂芥道左冀檀那識之尚未逮

過通州浮橋即景雜詠

飛梁駕水響梢東轉漕連艘此處通南望江  
鄉渺何極遙源猶憶自雲中  
汀蒲岸芷染煙光仲月融怡麗百昌依舊止  
年寒食景吟髭羸較幾莖長

郡城塔影落波尖生齒休和日日添纜命農

官出紅朽頓教米賤樂窮閭

近釐太倉夙弊因命預給臣工

二年俸糶京師米價為之頓減

來徃舩艦藉底因陽關唱處解維新便教一

晌思南客豈必九重無故人

謂沈德潛甫由此南旋

麥

春麥一寸及秋麥二寸強青青遠近連撲攏  
含煙光土膏潤且肥曉露滋新秧北方春雨  
艱風鼓塵霾黃今歲幸免此滿望餅餌香還

戒望過奢芒種時猶長

烟郊行宮偶作

虛館向明開停驂適可裁偶然成小坐便覺  
淨浮埃村遠遮蒼靄庭閒繞綠苔所欣勅幾  
暇書史足清陪

見新耕者

青郊土脉滋良農群舉趾牟麥出土新禾黍  
佈種始犁耜呼旅亞饁餉來婦子勤劬衆力  
作豳風圖在此民依我先知見此寧無喜

村田即景

暢好春天特遂情鳴鳩喚雨鵲呼晴柴扉半  
掩無人管趁潤郊原盡力耕  
瓦盆家計屋茅茨服穡初無分外思雖較江  
鄉少花柳古風敦朴孰如斯  
遍壠雖欣茁好苗三時秀實尚迢迢四民真  
是農偏苦忍更繭絲重賦徭

白澗行宮晚坐

下春隱西崦密雲生北嶺行宮已清佳况近

招提境致蕪松竹幽意與琴書永去住惟所  
如今昔觀平等隔牆聞鐘魚可以發清省

薊州道中作

江南二月雨吹絲詩憶司勳想像為

最似江南二月

時丁卯薊州道中句也時尚未至江南故次

章有江南二月我豈知杜牧詩中彷彿之之  
句去歲江南今薊北較量親切勝年時

旱田種候水田早黍稻高低物土分廿里官  
街塵不起又看四宇佈春雲

勝國三邊重守防嚴城樓櫓監興亡於今祇

慮民滋庶到處縈懷耕與桑

題翠雲山房二首

地據隆中秀盤盤詰逕幽心依清略永神與  
靜為謀山雨寒徐點春松翠欲流樓橫天半  
舫可以縱吟眸

杏纈嶮山雪鶴彈緹嶺風琴音淙曲峽蓋影  
羃層峻勝地棲遲暫他時想像中何如消萬  
慮結念屬雲空

翠雲山房杏花盛開用鄧尉香雪海歌

韻以去歲今日恰在鄧尉觀梅也

山房駐輦息金吾山房重來如到初東風花  
事正絕勝南梅北杏言非誣倚巖扶巘致各  
別笑雲烘日顏齊舒開不在先亦不後蓄眼  
似有神為模七字未可擱筆罷六飛匪為臨  
芳紆應時即景便且近還羸江國遙徃途底  
須肥瘦較品格均有蜂蝶紛來趨滿山紅雪  
香未歇王母讌山致饋餘勃窣雙成引嘉慶  
琅璈雲瑟為聲娛是雪非海亦非湖仙山自

與人間殊儼如佛拈色空色更欣天假需雲  
需晚來應有養花雨隔窓點滴叅清踈鄧尉  
擅名二千載未如幽谷偏高孤興來摘詞為  
說項去年此日剛臨吳去年此日剛臨吳勞  
勞來徃何為夫

春夜

清切宿山房松風衾枕涼明朝將展謁頓覺  
此宵長

恭謁

孝陵

景陵感成長句

靈區鬱護瑞雲霞展謁經年黯自嗟百世聰  
聽

彛訓在

二陵顛仰

聖踪遐繼繩有繫心彌愧悅養無方敬倍加  
白髮朝臣曾逮事追惟誰不淚如麻

桃花寺

峯屏障風暄磴道盤雲密當春花盡發邂逅  
停行蹕洞軒坐霄漢幽泉中音律極目偶憑  
窓會心亦點筆山寺非溪源遠塵致則一

駐蹕靜寄山莊

翠翠透迤展謁還便經靜寄款雲關芳菲好  
趁三春景刻削來看四面山未敢居崇事遊  
逸聊因幾暇暢躋攀清宵暫得塵心靜物理  
民情酌此間

不因日涉還成趣却為山佳每竭來棊几宿

行集言二集 卷三十一  
緣竹書展膽瓶清供杏花開能言春鳥呼名  
字罨畫林雲自往迴天籟吹香如鄧尉誰能  
到此更思梅

山中

騁懷命筍輿點筆倚雲嶠石白無俗韻松蒼  
有古貌春深峯翠遲風勁衣寒峭寒朗極遐  
觀籟奏蘇門嘯

半天樓望少林寺

雲構倚天幕霞標據月窓臨虛茲獨迴攬景

信無雙塔影林端轟泉聲澗底淙問伊茅屋  
下居士可稱龐

露坐

露坐監陀松作陪堯峯寄興凌崔嵬天風拂  
紙吹題句疑有蛟龍陸地來

雲林石室

蘿逕延緣意入松扉窈窕神謀小坐還憑月  
戶忘懷如泛虛舟庭前篆印鶴古階下琴調  
澗幽似干雲霄而上宜遇松喬者流

得概軒

每到靈區意欲仙  
四隣山秀望中全  
雲端曠與軒疑畫  
樹杪高低圃是懸  
巖栢翠常標古色  
林花放不入時妍  
東坡大略觀無盡  
明月清風我與然

東竺庵疊舊作韻

嵐氣蒼蒼承貝葉  
經巖風謾護玉闕  
扃天龍却掃維摩  
笑延我雲房坐少  
停

隔寺春松翠出牆  
四隣峯態映方方  
博山鑪

是炎劉物古佛前  
消一炷香

心機靜處峯當戶  
耳觀清時泉繞階  
今昔何須叅歷歷  
對山不異樂山懷

雲淨寺題句

禪關東竺東蹠馬  
路纔通嶺亘遙分  
谷天高不礙風玲  
瓏思雁塔窅窅守  
龍宮一室無餘物  
仙花落半空

少林寺

我愛田盃愜素懷  
鼓林徃徃入幽佳  
鳥啼花

往集言三集 卷三十一  
落禪家白雲白松青靜者諧有所會心常命  
筆無多得句也鐫崖山靈莫笑輕唐突會使  
羣峯一例皆

半天樓小憇

遊山取適興興適薄言轉山樓近雲匡小憇  
聊復善却指向歷處林路依微辨將毋志近  
荒陳編一開展

春曉

西魄未隱峯東暘剛出谷居山曉尚寒問景

春已泚花沐露濛濛草霏風馥馥倚楹旦氣  
清遊踪漫追逐虛已勅萬幾塵心籌五服雲  
罩鐘遲鳴山僧想眠熟

天成寺

澗道繁聲隱石泉寺樓據勝坐來便千行峯  
樹全標盡幾个山僧不識禪入目景光渾似  
舊得心興會每殊前題崖綠字烟蘿蔓此日  
拈吟復偶然

西甘澗



雲棧下石門風寒衣袂凜精舍縛茅為閣黎  
任高枕莊嚴無餘物貝葉置諸品是為本色  
禪隨喜意愜甚地僻泉亦甘可以酌而飲

東甘澗

座席飄來花雨香偶叅白業憇雲房春翹饒  
有芳菲好却愛松陰滿院涼

古中盤放歌

穿石迳造盤之阻宜誰居今化人所初極狹  
而中宏遂暢觀而延佇春卉昌昌春山蒼蒼

卉依山古山含卉芳鉛華洗盡饒本色南國  
猶嫌時世裝去歲華山躋鳥道一與田盤較  
媿好恠予到此又云云惟喜目前堪絕倒嵐  
態峯姿無定則神心謀靜翻為役有時落筆  
數十章有時一句渾艱得

雲鶴

雲鶴盤高空聲落半天中可聞不可見時或  
山中逢本無稻梁求豈有增繳攻馴鶴爾胡  
為鍛羽入檻籠飢飽繫主人侮弄任奚童仰

徒傳言二集 卷三十一  
首望雲鶴何從較窮通志未慎其始境安保  
厥終

竹

作友巖松靜且深因風戛玉復撻金數竿瀟  
灑意彌足千畝何須憶武林

泠然閣

石詭松益竒山峻風偏峭披襟坐虛閣天籟  
動萬竅偶此方外方究其妙中妙

雨花室雜詠

石磴攀蘿步入深精廬瀟灑晝沉沉不因詰  
曲逕千轉那識高閒一晌心  
抱石孤松若箇栽翻濤謾謾掃香臺興豪擬  
問維摩詰滿室天花何處來  
構築無多足暢情一窻山翠映人清濛濛常  
自霑衣潤又見春雲傍嶺生  
虛齋四座淨無塵迭與名山作主賓箇裏參  
禪真恰當笑予不是得閒人

謾題

使者初從南國迴會稽米價尚高擡吾民疾  
苦心常慙慙愧歡迎去歲纔

即事

轉漕來南方以詔卿士祿詎止贍仕者流通  
逮比屋太倉陳相因因緣竊饋伏昨歲兼偏  
災致湧廩間穀爰貸兩年糈連延出困鹿一  
以清倉儲一以平市鬻詔下纔數日歎歲如  
大熟米價日以賤窮民樂鼓腹黠者變其言  
謂須籌盈縮目前雖暫快明年貴仍速况此

奸僧計將盡糴官粟賤糴復貴糴三倍飽其  
欲官曹俸糈入家室賴以育今賣鮮利息後  
買艱升斛是謂恩支米官禍商之福我聞為  
長吁疇咨當手束憤懣無良方孟子昔誦讀  
每人而悅之惟日亦不足

暖

清暉氣向融景淑古盤中染徧楊絲綠催齊  
杏蕊紅嵐光方淡蕩雲影忽西東欲換春衫  
未還防松下風

千相寺

言入翠微峯遂造初禪地山深無不佳草廬  
亦可憇幽芳吐瓶花古篆消香穗指揮開窓  
戶颯然清風至萬景紛向參一惟領以意

夜雨

山雲向晚生藹藹萬峯競入夜枕上寒淅瀝  
隔窓聽幽響曲澗增潤意連林凝清切且無  
眠遙為三農慶

曉晴

曉晴山有態楚楚冶粧新已是明如畫猶然  
迴出塵潤含林露重香遞埭風頻花騁春雲  
夢飛卿向果神

萬松寺

明發事清遊石磴盤玉馬始出峭蒨顛原自  
菁蔥下田盤到處佳萬松我心寫寺樓坐空  
翠天籟披瀟灑揚馬不能從迴顧和者寡

盤谷寺

雲罩猶天半鐘聲落澗遲稍留清蹕憇得句

便前移

登雲罩寺定光塔作歌

雲山有神助會者得其宗團團瑪瑙盤中有  
一朶青芙蓉無量壽佛卍字胸坐蓮花鬚者  
其壽盡與無量壽佛同今日登臨亦如是稍  
涉言象究竟未離去聲凡夫蹤歌畢天風吹我  
馬隱有山靈謂我者何必更與六和報恩較  
高下

上方寺

雲罩威紆石路盤上方始到愜清歡一龕古  
佛鐘魚寂半榻天風衣袂寒竒句不期當境  
得好山常似逆人看苾芻六度知初品道左  
殷勤冀悉檀梵典施舍云悉檀般若若六度中為第一品也

題鄒一桂盤山圖

春雲欲出山濛濛山乎雲乎將無同變態萬  
狀難為工若人意會神以通煙巖莫遁冥搜  
窮妙解要在得其宗奚問邱壑石與松五日  
清遊一覽中扈蹕不孤冒春風王洽潑墨應

齊踪

池上居

崇椒得稍平有水一池清坐領滄浪意遠祛  
塵俗情煙嵐朝暮出荇藻短長橫飲鶴翩來  
去遊魚結友生

靜寄山莊返蹕之作

田盤五日暢清遊餘興猶賒賞已酬古有名  
言戒忘返我無他善勉先憂前旌高下徐盤  
騎迴首菁葱尚注眸遇便重來緣路近武林

不比要詩留

西嶺

西嶺盤之西問景曾未經由茲至蟠龍

山名有行

宮云近廿里程羊腸雖紆巖跋馬猶堪登拂

曙披煙蘿露濃花木馨雲罩莫衡高巖松辨  
層青須臾海日出玉柱標銅鉦放眼得奇觀  
萬象俱光明

上巳

杏村柳墅景和韶芳甸行春不覺遙鏡裏山

御製詩二集 卷三十一  
陰思去歲詩中上巳值今朝城連平谷出青  
樾塔望田盤隱碧堯何必流觴脩禊事更從  
繭紙慕龍跳

順義縣行宮作

路便偶一經素尚饒雅概息遊既足適何用  
更雕績展卷讀我書則古每不逮新月纔窈  
窕春雲復靉靄落花飄晚庭如識有人對

過清河

潞河啓蹕轉清河半月春巡愜賞多遍隴來

牟芄帶露連郊芳草綠生波輿梁近拍橫銀  
竦雲罩迴看隱翠螺鷓鷯趨迎清道左先詢  
米價比如何

詢暢春園問

安

巡旌歷數日

寢門缺溫清歸省仰林苑土林春五封共  
和豫抃躍有餘慶詎惟反必面實以通乎性  
塞上待秋清

安輿侍覽勝

季春圓明園作

載止行時蹕言旋上林苑上林春正佳芳菲  
接近遠我志不在茲切切有所思臨御十七  
載惕勵無已時未能免水旱遑云致皞熙邊  
境幸救寧慮文恬武嬉戶口幸日增慮艱食  
無衣俗儘有奸伏野寧無賢遺撫躬一再省  
此咎其諉誰

口號

寬嚴因物付剛柔敷政優優百祿道有意寬  
嚴期並用是為子莫執中流

題張宗蒼山水畫歌

從來詩畫要法古不貴形似貴得神藝苑於  
今誰巨擘中吳宗蒼真其人潑墨作此山水  
幅倪耶黃耶且謾論生風疊樹鬱蔥菁吐雲  
絕壁堆嶙峋是人畫中有警句尋常點筆頗  
能賦試看縈青繚白間雅是冥搜竒賞處命  
意布景皆合宜箇中棲遲者阿誰非容成公



即安期而我惟日勤孜孜空羨若輩亦奚為  
王蒙水亭讀書用圖間題者韻

水面孤亭絕世塵讀書人盡十分春分明黃  
鶴留清照欲閱滄桑劫後人

短歌行

折蒲莫折柳折柳傷離久種穀莫種竹種竹  
難期粟佐饗者嘗佐鬪傷世間得失曷有常  
大言炎炎小言詹詹責人也詳責已也廉

花雉行題余省所畫

東風吹綻紫藤花花下雙雉毛羽華雉侶願  
步適其適意改忽上松桤枒松藤故自分蒼  
嫩雌雉逐逐雄雉雋無何花落松依然雙雉  
不于沙痕印法常宋僧寫生擅流輩草草但取  
無人態徐黃膠粉復太工院本習氣刻楮同  
余省權衡得其中理趣神解參無窮

長歌行

一滴之露上通蒼天一滴之水下及黃泉表  
章先括賴後賢發揮奧理在目前谷有時而

陵魏岸有時而谷頽不逆不億抑亦知幾人  
情翻覆甚於奕碁不動聲色坐照無遺微斯  
人兮吾誰與歸

梁甫吟

卧龍耕南陽好為梁甫吟二桃殺三士扼腕  
為傷心或誇晏子智不以聲色臨計功勇無  
禮彼死皆自尋腹劍利干將詎非險且陰寬  
柔以教之不報無道侵毫釐千里謬古有何  
獨今

自昆明湖泛舟進宮

吉亥言將耕藉田法宮返蹕致齋先昆明一  
水通西直好趁春波試放船

開渠蓄水利農功繡錯溪田澤國同餘事何  
妨隨點綴綠楊隄間杏花紅

雁橋蝸舍解逢迎遠暎西峯畫障橫恰憶去  
年臨上巳山陰一棹鏡中行

題樂善園

樂善始康邸園故康親取義東平蒼結搆逾

綠野勝國為皇莊鼎革屬故藩百載移星霜  
宴遊既冷落草樹就蕪荒亭榭早無存半立  
餘頽墻地隣長河岸來往泛煙航憑眺念興  
廢為之長慨慷稍命復其舊芟穢疏汙塘室  
宇何須多足令供徜徉迴池日以清春翹日  
以芳由來歲月深峭舊增林光人工久斯敝  
天然久益彰艤舟一來憇妙理參幻常園名  
仍舊稱况我曾顏堂遊心惟竹素永言誌其  
詳

絳雪軒海棠

藉典春行命蹕迴御園問景一徘徊似緣翠  
館今朝幸不約東風特地開綴玉有詩笈桃  
李蕊珠何處惹塵埃丁寧灑雪枝頭駐莫便  
尋常點綠苔

風

獲雪報山右得雨報山左北省似今年農畝  
庶其哿暮春之上旬終風日顛簸縱未致旱  
形先事已眉鎖歲有閔雨詩幸茲或假我而

仍不能免命筆意頗惰此即諱灾心自咎甚不可

夜雨

風霾通日頻正愁旱象作傍晚復彭盛踟躇  
靡惕若無何勢少却油雲催雨脚浙洒漸入  
夜繁憂變慰樂惟虞欠霑足無眠屢量度問  
我何丞丞曰此民命託

豐澤園演耕

春暮西園屆演耕土膏動處物勾萌勤農知

稼承

家法謾擬惟循典故行

夜雨雖微足浥塵潤含煙柳綠絲新西山又  
見英英吐優澤惟期近遠勻

太液東風送畫船到來京兆奉絲鞭盛儀略  
較

農壇殺去聲漢典由來有弄田

農衣農具錯綜陳意在毋忘農苦辛瞥眼迴

思成隔歲昨年江國為觀民

去歲未曾耕藉故云

行世言二集 卷三十一  
暮春遊瀛臺即景言志

三壺何窈窕云在滄海中鞭石橋難就樓船  
路未通自此慕仙者鴛鴦徒希踪何來液池  
內名境依稀同延樓既崔嵬假山亦玲瓏四  
表達仙籟百世鬱喬松作者殫其力來者享  
其逸仍不免經營要取善繼述

澄瀛漾白芷春風敷其芳瞻彼泱泱波有來  
迴雁翔遵陸步蘭蹊得我讀書堂眄懷沂上  
點詎擬山陰王名教樂無斁匪事逞相羊

大學士高斌七十壽辰詩以賜之

早參黃閣侍金鑾晚覺扶鳩步履難卧理藉  
卿為保障成功告我永安瀾讀書未懈平生  
志益壽何須九轉丹黃髮皤皤在朝眾勤勞  
軫念久河干

夜雨再作

徹夜徐聽三月雨北方似此近年無如膏恰  
繼前朝澤舉藉行臨千畝區簷齒水珠不斷  
滴枝頭鳩鳥尚頻呼慰餘轉復增縈念千里



